

O'ZBEKISTON RESPUBLIKASI  
OLIY TA'LIM, FAN VA INNOVATSIYALAR VAZIRLIGI  
FARG'ONA DAVLAT UNIVERSITETI

**FarDU.  
ILMIY  
XABARLAR-**

1995-yildan nashr etiladi  
Yilda 6 marta chiqadi

3-2023

**НАУЧНЫЙ  
ВЕСТНИК.  
ФерГУ**

Издаётся с 1995 года  
Выходит 6 раз в год

<b>O.M.Normatov</b>	
O'zbekistonning ma'muriy-hududiy holati rayonlashtirish o'tkazilishi arafasida .....	229
<b>Sh.T.Tursunkulova</b>	
G'azzoliyning go'zal axloq to'g'risidagi qarashlari.....	235
<b>I.M.Azimov</b>	
O'zbek-lotin alifbosini yaratish uchun harakatlar .....	239
<b>Sh.D.Ismoilov</b>	
Talabalarni oilaviy hayotga tayyorlashning pedagogik shakl va metodlari .....	247
<b>A.A.Qambarov</b>	
Marg'ilonlik "Katta ashula" sohiblari.....	251
<b>M.Kamalitdinov, T.Mavlonov</b>	
Sharsimon qobiq dinamikasi qisman suyuqlik bilan to'ldirish.....	257
<b>A.I.Saminov</b>	
Oksymoronning semantik xususiyatlari .....	261
<b>I.X.Mavlonov</b>	
Milliy yuksalish konsepsiyasini amalga oshirishning nazariy-metodologik asoslari .....	266
<b>B.X.Baydjanov, Z.I.Muhammadiyeva</b>	
O'quvchilarda mantiqiy kompetentlikni shakllantirish usullari.....	272
<b>B.X.Baydjanov, M.R.Maxkamov</b>	
Boshlang'ich sinf o'quvchilarining muloqot qilish qobiliyatlarini shakllantirish .....	276
<b>Z.M.Abdullaev</b>	
Asl turkiy antroponimlar va ularning tarixiy-etimologik shakllanishi .....	280
<b>G.Z.Abduraxmonov</b>	
Jamiyat taraqqiyotining yangi bosqichida g'oyaviy birlashuv zaruriyatini o'rganishning nazariy-metodologik asoslari.....	284
<b>O.A.Ashurova</b>	
Bo'lajak maktabgacha ta'lif mutaxassislarida ekoestetik madaniyatni rivojlantirishning ustuvor yo'naliishlari .....	288
<b>Sh.Ismoilov</b>	
Nogironlik tushunchasining modellari.....	293
<b>D.O.G'afurov</b>	
Yangi O'zbekistonda oila munosabatlarining huquqiy asoslari hamda uning jamiyat ma'naviy rivojida tutgan o'rni.....	300
<b>D.B.Niyazov, M.M.Niyazova, Sh.M.Saydaxmedov, B.Z.Adizov, M.Y.Ismoilov</b>	
Nitron tolasi chiqindisi asosida F-seriyali flokulyantlarni olish .....	303
<b>D.S.Ergasheva</b>	
O'zbek xalq ertaklari orqali vatansevarlik va do'stlikga o'rgatishning pedagogik strategiyasini ta'nishlash.....	308
<b>G.M.Ravshanova</b>	
Axborotlashgan jamiyatda ta'lif va ta'lif axborotlashuvining dialektik aloqadorligi muammosini o'rganish .....	313
<b>O.O'.Xolmatova</b>	
O'zbek xalq maqollarida miqdor konseptining kognitiv xususiyatlari.....	320
<b>F.A.Tashpulatov</b>	
O'quvchi yoshlarni basketbolga o'rgatish texnikasining usullari.....	324
<b>S.G'.Shomurodova</b>	
Nikoh urf-odatlari bilan bog'liq kiyimlarning to'y qo'shiqlaridagi poetik talqini .....	329
<b>F.N.Usmonov</b>	
Zamonaviy kompyuter etikasi muammolari .....	334
<b>E.Sh.Jumayeva, U.U.Ruzmetov, Z.A.Smanova</b>	
Suvdag'i og'ir metallarni aniqlash usullari va og'ir metallarning organizm hayotiy faoliyatiga zaharli ta'siri .....	340
<b>S.Sh.Do'saliyeva, V.U.Xo'jayev</b>	
Allium karataviense o'simligi takibidagi flavonoidlar taxlili.....	349

**YANGI O'ZBEKİSTONDA OILA MUNOSABATLARINING HUQUQIY ASOSLARI HAMDA  
NING JAMIYAT MA'NAVIY RIVOJIDA TUTGAN O'RNI**

**ПРАВОВАЯ ОСНОВА СЕМЕЙНЫХ ОТНОШЕНИЙ В НОВОМ УЗБЕКИСТАНЕ И ЕЕ  
РОЛЬ В ДУХОВНОМ РАЗВИТИИ ОБЩЕСТВА**

**LEGAL BASIS OF FAMILY RELATIONS IN NEW UZBEKISTAN AND ITS ROLE IN THE  
SPIRITUAL DEVELOPMENT OF SOCIETY**

**G'afurov Doniyor Oripovich<sup>1</sup>**

**1G'afurov Doniyor Oripovich**

– Buxoro muhandislik-texnologiya instituti “Ijtimoiy fanlar” kafedrasi dotsenti, falsafa fanlari doktori (PhD).

**Annotatsiya**

*Ushbu maqolada Asrlar davomida musulmonlar hayotida oila qurish va ma'naviyatini shakllantirish shariat ahkomlariga qat'iy rioya qilgan holda davom etib kelganligi va bu masalaga alohida e'tibor qaratilganligi hamda oila farovonligi-milliy farovonlik asosi ekanligi haqida bayon qilingan.*

**Аннотация**

В данной статье констатируется, что семейное и духовное становление в жизни мусульман продолжалось в строгом соответствии с нормами шариата, этому вопросу уделялось особое внимание, а семейное благополучие является основой национального благополучия. существование.

**Abstract**

*In this article, it is stated that family building and spiritual formation in the life of Muslims has continued in strict compliance with Sharia rules, and special attention has been paid to this issue, and that family well-being is the basis of national well-being.*

**Kalit so'zlar:** Oila, inson qadri, ta'lif, fan, tarbiya, barqaror taraqqiyot, ma'naviy yetuklik.

**Ключевые слова:** семья, человеческая сущность, образование, наука, воспитание, устойчивое развитие, духовная зрелость.

**Key words:** Family, human value, education, science, education, sustainable development, spiritual maturity.

**KIRISH**

XXI asrga kelib, dunyo makonida jahon dinlari va konfessiyalarning mamlakatlararo ijtimoiy-iqtisodiy munosabatlarda, shaxs va jamiyat aloqalari rivojlanishida, shu jumladan, oila munosabatlari madaniyatida jonlanish kuzatilmoxda. Xususan, islom dinining oila, shaxs va jamiyatda tutgan o'rni, funksiyalari barchani qiziqtirmoqda. O'zbekiston Respublikasi Prezidenti Sh.Mirziyoyev BMT Bosh Assambleyasining 72-sessiyasida “Biz muqaddas dinimizni azaliy qadriyatlarimiz mujassamining ifodasi sifatida behad qadrlaymiz. Biz muqaddas dinimizni zo'ravonlik va qon to'kish bilan bir qatorga qo'yadiganlarni qat'iy qoralaymiz va ular bilan hech qachon murosa qila olmaymiz. Islom dini bizni ezzulik va tinchlikka, asl insoniy fazilatlarni asrabavaylashga da'vat etadi”<sup>22</sup>, dedi. 2018 yil 12 dekabr kuni BMT Bosh Assambleyasining yalpi sessiyasida “Ma'rifat va diniy bag'rikenglik” deb nomlangan maxsus rezolyusiyaning qabul qilinishi Prezidentimiz ilgari surgan tashabbusning amaliy ifodasi bo'ldi. Ushbu rezolyusiya bag'rikenglik va o'zaro hurmatni qaror toptirish, diniy erkinlikni ta'minlash, e'tiqod qiluvchilarning huquqini himoya qilish, ularning kmsitsilishiga yo'l qo'ymaslikka ko'maklashishga qaratilgan yana muhim qadamlardan biri bo'ldi.

Islom manbalari asosida oila munosabatlari madaniyati shakllanishining huquqiy va axloqiy asoslari tahlil qilinadi. Bunda Qur'oni karim, hadisi sharif va shariat ahkomlarida oila madaniyati mazmunini tashkil etgan va tarixiy jarayonda musulmonlar hayotida tatbiq etilgan jihatlari, uning ba'zi normalari hozirgacha davom etayotganligiga e'tibor qaratiladi, ayni vaqtida, uning ijtimoiy-siyosiy, iqtisodiy, madaniy, ma'naviy rivoji bilan bog'liqligi tahlil qilinadi. Oilaning islom manbalari

<sup>22</sup> Mirziyoyev Sh.M. Birlashgan Millatlar tashkiloti Bosh Assambleyasining 72-sessiyasida nutq // Toshkent: “O'zbekiston”, 2017. – B.28.

asosida tarixiy jarayonda kishilarning turmush tarzi, jamiyatning ijtimoiy axloqiy asoslarida tutgan o'rni va ular turli sharoitda qo'llanilishining o'ziga xos xususiyatlari tadqiq etiladi. Oila munosabatlari madaniyatini rivojlantirishning tashkiliy, nazariy va amaliy jihatlari davlat qonunlari asosida bo'lishi bilan bir vaqtida milliy va diniy qadriyatlarning mazkur jarayondagi ta'siri ilmiy tahlil qilinadi.

Har bir jamiyat o'ziga xos oila shakllarini, oilaviy munosabatlar tizimi mezonlarini o'rnatgan. Dastavval, yovvoyilik bosqichida guruhiy oila, varvarlik ijtimoiy tuzumda juft oila, jamiyatning keyingi taraqqiyoti davrida monogamik oilaga o'tish davri boshlangan. Bu munosabatlar tarixan shakllanib, takomillashib borishi tadriji insoniyatda otalik, onalik burchini ma'naviy anglash madaniy jarayonining naqadar uzoq davom etganini ko'rsatadi. Zero, bugungi oila, uning madaniy, ma'naviy, huquqiy asoslari uzoq tarixiy davrlarda yuz bergan ijtimoiy iqtisodiy, ma'naviy jarayonlarning natijasidir. Demak, oila, uning mohiyati, jamiyat hayoti va taraqqiyotidagi o'rnini o'rganish bu muammoga oid bo'lgan ko'plab tushunchalarni mustaqil tahlil etishni talab qiladi. E'tibor berish kerak bo'lgan muammolardan biri oilaviy munosabatlarga asos bo'lgan nikohning ijtimoiy, ma'naviy, axloqiy, huquqiy va diniy asoslarini o'rganishdir. Nikoh oila shakllanishi bilan bog'liq bo'lgan oddiy marosim emas, balki oila qurayotgan erkak va ayolning munosabati, burchi va mas'uliyatini belgilaydigan zaruriy tadbir, ijtimoiy hodisa hamdir.

Huquqshunos olim F. Otaxo'jaevning yozishicha, nikoh-erkak bilan ayol o'tasidagi muayyan ittifoq va bu ittifoqning jamiyat, davlat tomonidan tan olinishi, ma'qullanishini huquqiy, axloqiy jihatdan belgilaydigan marosim. Jamiyat nikoh vositasi bilan erkak va ayol o'tasidagi tabiiy, ijtimoiy, ma'naviy munosabatlarni tartibga solib turadi. Nikoh jinsiylar ehtirosni ma'naviy maxfiylik pardasiga o'raydi<sup>23</sup>, er-xotin orasidagi tabiiy munosabatlarga axloqiy, ma'naviy go'zallik baxsh etadi. Qur'oni karim oyatlarida keltirilgan taqiqlar oila munosabatlari madaniyatini shakllantirishga asos bo'ldi. Islom dinining paydo bo'lishi, arab feodal teokratik davlatning tashkil topishi, islom dini ko'p mamlakatlarga, jumladan, O'rta Osiyoga kirib kelishi oilaviy munosabatlarning yangi bosqichini shakllantirishga olib keldi. Agar islomgacha turli diniy ta'limatlar, xalq e'tiqod qilib kelgan odat va tartiblar orqali oila qurish amalga oshirilgan bo'lsa, endilikda dastlab Qur'oni karim ko'rsatmalari, shariat qoidalariga amal qilinadigan bo'ldi. Bu holat oilaviy munosabatlarni axloq va huquq mezonlari asosida takomillashtirishning asosiyo yo'li bo'lib qoldi. Asrlar davomida musulmonlar hayotida oila qurish va ma'naviyatini shakllantirish shariat ahkomlariga qat'iy rioya qilgan holda davom etdi. Islom huquqi, xususan, "Hidoya"da oila va nikoh masalasida katta ma'rifiy-tarbiyaviy ahamiyatga ega bo'lgan talablardan biri ayolning nikoh to'g'risidagi haq-huquqlarga ega ekanligi masalasidir: "Nikohning asl mohiyati haqida ilm bo'lishi shart qilinadi. Chunki, qiz bola faqat ilm bo'lgandagina tasarruf eta oladi, bu dunyo ilm olish dunyosi, bunda johillik uzr bo'la olmaydi"<sup>24</sup>. Alloma B. Marg'inoniying mazkur fikrlari hozirgi davrimiz uchun ham ahamiyatlidir. Zero, ijtimoiy hayotning barcha bosqichlarida huquqiy bilimga ega bo'lish fuqarolik jamiyatni va demokratik davlat barpo etishning zaruriyatiga aylanib bormoqda. "Hidoya"da oila va nikoh masalalari, oila munosabatlari madaniyatining asosiyo mezonlari sifatida insof va diyonat, haromdan hazar, poklik kabi ezgu tushunchalar o'z ifodasini topgan. Ta'kidlanishicha, "Nikohdan ko'zda tutilgan maqsad iffatlari va pokiza bo'lib yurishdir", "Oilali har bir ayol va erkakning pokligi va iffatliligining birinchi va birlamchi belgisi esa zinodan saqlanishdir. Zero, "zino" barcha dinlarda ham haromdir". Marg'inoniying "Hidoya" asarida oila va nikoh masalasi, erkak va ayol o'tasidagi munosabatlar madaniyati muayyan qonun-qoidalarga tayangan holda oilani mustahkamlash, farzandlar tarbiyasiga e'tibor berish, shu bilan birga, oilaning axloqiy pokligi va halolligini ta'minlashdir. Qur'oni karim, hadislarda oila va nikoh masalasiga alohida e'tibor qaratilgan. Masalan, hadisda: "Uylaning, ko'paying. Chunki tushgan bir bola bilan bo'lsa ham qiyomat kuni o'zga ummatlar oldida siz bilan faxrlangayman"<sup>25</sup>, deyilgan. Farzandli ota-onalar to'liq oila hisoblanadi. Ammo, oilaning burchi faqat farzand ko'rish emas, balki uni jamiyatimizga kerakli qilib tarbiyalashdir. Farzandlar uchun ota-ona o'rgatgan axloq-odob, halollik va mehnatsevarlik kabi fazilatlarning o'rni katta. Ahil, ma'naviy yetuk ota-onagini o'z farzandiga to'g'ri tarbiya bera oladi. Farzand qalb rayhonasi, gulidir. Yoshlik chog'ida ularni erkab, ko'pchilik huzur qiladi. Katta bo'lganlarida yordamlaridan bahramand bo'ladi. Inson vafot etganidan keyin nomai **a'molimiz** to'xtaydi". Abu Hurayra (r.a.) aytdilar: Rasululloh (s.a.v.): "**Banda vafot etgandan keyin undan uchta narsadan bo'lak amallari uzilib**

<sup>23</sup> Otaxo'jaev F. Nikoh va uning huquqiy tartibga solinishi. – Toshkent: Adolat, 1995. – B.20.

<sup>24</sup>Burhoniddin Marg'inoni. Hidoya. – Toshkent: Adolat, 2002. T.1. – B.675.

<sup>25</sup> Imam G'azzoliy. Uylanish odobi. – Toshkent: Toshkent islam universiteti, 2009. – B.5.

**qoladi: 1. Sadaqai joriya (kishilarga foydasi tegsin deb, qilib ketilgan barcha ishlar); 2. Foydasi tegsin deb qoldirgan ilm; 3. Duo qilib turadigan solih farzand”<sup>26</sup>, dedilar. Shu sababli, nikohda yoshlarning ma’naviy mushtarakligi, yangi oila ixtiyoriy ravishda, sevgi va hurmat asosida qurilishi lozimligi masalalariga alohida e’tibor beriladi.**

Shuning uchun oila munosabatlari madaniyatining milliy va diniy qadriyatlar hamda davlat qonunlari bilan boshqarilishini keng targ’ib qilish lozim. O’zbekiston Respublikasi Prezidenti Shavkat Mirziyoyev ta’kidlaganidek, “Bir so’z bilan aytganda, xalqimizning “Bir bolaga yetti mahalla ham ota, ham ona” degan maqoliga amal qilaylik. Biz uchun jamiyatda begona bola yo’q va bo’lmasligi kerak. Hammasi o’zimizning, O’zbekistonimizning bolalari. Vaqtida mehr ko’rsatsak, ishga, ilmga, kasb-u hunarga, ezgu fazilatlarga o’rgatsak, ular yo’lini olib bersak, ertaga foydasi o’zimizga, jamiyatga tegadi. Aks holda, ular boshqalarning qo’lidagi quroqla aylanib qolishi hech gap emas. Yon-atrofimizda diniy ekstremizm, terrorizm, giyohvandlik, odam savdosi, noqonuniy migratsiya, “ommaiv madaniyat” degan balo-qazolar xavf solib turgan paytda bolalarimiz tarbiyasiga beparvo qarashimiz mumkinmi o’zi? Bunday loyqaydlikdan g’arazli kuchlar foydalanib, sodda go’r bolalarni o’z ota-onasiga, o’z yurtiga qarshi qayrab, ularning hayotiga, umriga zomin bo’lmoqda”<sup>27</sup>. Ota-onal farzandlar tarbiyasida teng huquqqa ega. Lekin farzandni tarbiyalashda otaning ham, onaning ham o’ziga xos betakror o’rnii bor. Shu asosda oilaning ichki madaniyati shakllanib boradi. Qur’oni karimning “Baqara” surasida ota-onaning farzand tarbiyasidagi burchi xususida shunday deyiladi: “Onalar bolalarini to’la ikki yil emizadilar. Bu muddat emizishni kamoliga yetkazishini istovchilar uchundir. Ularni (onalarini) me’yorida oziqlantirish va kiyintirish otaning (erning) zimmasidadir. Hech kimga toqatidan ortiq mas’uliyat yuklamaydi. Bolalari tufayli ota ham, ona ham zarar ko’rmasin!”<sup>28</sup>. Otaning talabchanligi ona muloyimligini to’ldirib turadi. Mabodo, ota-onaning bir-birlari bilan munosabatlari buzilib, nikohlari bekor qilingan holda ham ular farzand tarbiyasidagi o’z mas’uliyatlaridan butunlay xalos bo’lmaydilar. Ota oilani iqtisodiy tomondan ta’minlovchi shaxsdir. Lekin oila qurban ba’zi otalar har doim ham bunday mas’uliyatni his qilavermaydilar. Ota-bobolarimizning: “Tarbiya qiluvchining o’zi tarbiyalangan bo’lishi kerak”, degan naqli bor. Bu naql katta ma’noga ega. Ota-onaning axloqi, odobi, yurish-turishi, o’zaro munosabatlari farzandlariga kuchli ta’sir o’tkazadi. Xalqimiz: “Qush uyasida ko’rganini qiladi”, deb bekorga aytmagan. Qur’oni karimda farzandlar ota-onaga mehribon bo’lishligi, ularning tarbiyasidan bahramand bo’lib, ularga shukr qilishi lozimligi ko’rsatilgan. Qur’oni karimda bu masala xususida shunday deyiladi: “Biz insonga ota-onasini (rozi qilishini) buyurdik. Onasi uni zaifalik ustiga zaiflik bilan (qornida) ko’tarib yurdi. Uni (ko’krakdan) ajratish muddati ikki yilda (bitar). (Biz insonga buyurdikki), “Sen menga va ota-onangga shukr qilgin! Qaytishlik Mening huzurimgadir”. Anglaniladiki, farzandlar doimo yaxshi yashagani uchun shukr qilishdan tashqari, ota-onaning tirikligiga, ularning sog’lig’iga ham shukr qilishi kerak. Bu holat farzandni ota-onaga mehr-shafqatli, ma’naviyatli bo’lishga chaqiradi.

#### ADABIYOTLAR RO’YXATI

- Mirziyoev Sh.M. Birlashgan Millatlar tashkiloti Bosh Assambleyasi 72-sessiyasida nutq // Toshkent: “O’zbekiston”, 2017. – B.28.
- Otaxo’jaev F. Nikoh va uning huquqiy tartibga solinishi. – Toshkent: Adolat, 1995. – B.20.
- Burhoniddin Marg’ioniy. Hidoya. – Toshkent: Adolat, 2002. T.1. – B.675.
- Imom G’azzoliy. Uylanish odobi. – Toshkent: Toshkent islam universiteti, 2009. – B.5.
- Muhammad Ibn Ismoil Al Buxoriy. Al-Adab Al-Mufrad (Odob-axloqqa oid hadislar). – Toshkent:Toshkent islam universiteti, 2008. – B.71.
- Mirziyoev Sh.M. Niyati ulug’ xalqning ishi ulug’, hayoti yorug’ va kelajagi farovon bo’ladi. – Toshkent: O’zbekiston NMIU, 2017. – B.136.
- Qur’oni Karim. Ma’nolarning tarjimasini va tafsiri muallifi Abdulaziz Mansur. – Toshkent: Toshkent Islom universiteti, 2007. – B.37.

<sup>26</sup> Muhammad Ibn Ismoil Al Buxoriy. Al-Adab Al-Mufrad (Odob-axloqqa oid hadislar). – Toshkent:Toshkent islam universiteti, 2008. – B.71.

<sup>27</sup> Mirziyoyev Sh.M. Niyati ulug’ xalqning ishi ulug’, hayoti yorug’ va kelajagi farovon bo’ladi. – Toshkent: O’zbekiston NMIU, 2017. – B.136.

<sup>28</sup> Qur’oni Karim. Ma’nolarning tarjimasini va tafsiri muallifi Abdulaziz Mansur. – Toshkent: Toshkent Islom universiteti, 2007. – B.37.